

**МЕСЯЦА СЕНТЯБРЯ В 13-Й ДЕНЬ**

**ПАМЯТЬ ОБНОВЛЕНИЯ ХРАМА СВЯТАГО ХРИСТА И БОГА НАШЕГО  
ВОСКРЕСЕНИЯ.**

**И ПРЕДПРАЗДНСТВО ВОЗДВИЖЕНИЯ ЧЕСТНАГО И ЖИВОТВОРЯЩАГО  
КРЕСТА.**

**И СВЯТАГО СЯЩЕННОМУЧЕНИКА КОРНИЛИЯ СОТНИКА**

**НА ВЕЛИЦЕЙ ВЕЧЕРНИ**

**Обычная кафисма. На Господи, воззвах: стихиры на 6.**

**Обновления 3, глас 6, самогласны:**

**Обновления** почитати,/ ветхий закон и добре имеющся,/ паче же новая почитати обновленьми./ Обновляются бо острови к Богу, яко глаголет Исаия,/ яже разумети подобает от язык церкви ныне устрояемая/ и водружение приемлющая твердое Богом./ Темже и мы настоящая обновления// духовно да торжествуим.

**Обновляйтесь**, братие,/ и, ветхаго человека отложивше,/ в новости жизни жительствуйте,/ всем узду наложивше, от нихже смерть:/ вся уды накажем,/ всякую лукавую древа снесь возненавидевше,/ и сего ради точию поминающе, древних да бежим./ Тако да обновляется человек,// сие чтится обновлений день.

**Анатолія:** Положил еси столп крепости/ Церковь Твою, Христе,/ Превечный Слове,/ основал еси бо сию на камени веры./ Темже недвижна пребывает во век,/ имущи Тя тоя ради в последняя/ невращно бывша Человека./ Благодаряще убо, воспевает Тя, глаголюще:/ Ты еси прежде веков, и на век, и еще Царь наш,// слава Тебе.

**Ины стихиры святого, глас 4, на 3.**

**Подобен: Дал еси знамение:**

**Христос**, призрев/ на твоя благотворения, Корнилие,/ и божественныя молитвы,/ Ангела тебе святого посылает,/ всего тя просвещающа,/ и апостолов священных верховнаго,/ обновляюща водою и духом/ тя вседомовно, достославне,// и научающа лучшим Духа благодатию.

**Мастию** помазан священства,/ потекл еси/ спасительное проповедание возвестити странам,/ искореняя прелести терние, богомудре,/ и насаждая нелестное учение в душах Духом./ Темже тя блажим,/ яко иерарха богоприятна/ и непобедима мученика,// веселящся, Корнилие.

**Нравом** твоей благости/ последствующе, немудрии/ явишася разумни;/ умер же и естества законом вселився, блаженне, во гроб,/ сего источник совершаеши многих чудес,/ мудре Корнилие,/ исцеляя болящия/ и отгоняя духи лукавствия// Духом Святым, богодохновенне.

**Слава, обновления, глас 6. Самогласен.**

**Иоанна Монаха:**

Память обновлений совершающе, Господи,/ Тя, святыни Дателя, славяще, молим,/ освятитися нашим чувством душ,/ молитвами славных страстотерпец,// Блаже Всесильне.

### **И ныне, предпраздства, глас тойже:**

Днесь Древо явися,/ днесь род еврейский погибе,/ днесь верными цари вера является,/ и Адам древа ради испаде,/ и паки Древом демони вострепеташа:// Всесильне Господи, слава Тебе.

### **Аще ли в пяток вечера: И ныне, Богородичен первый настоящего гласа.**

#### **Вход. Прокимен дне, и чтения.**

#### **Царств третьих чтение (глава 8):**

Ста Соломон пред лицом жертвенника Господня, пред всем собором Израилевым,/ и воздев руце свои на небо, и рече:/ Господи Боже Израилев,/ несть Бог, якоже Ты на Небеси горе и на земли доле./ Аще бо небо, и небо небесе не довлеют Тебе,/ како дом сей, егоже создах имени Твоему?/ Обаче и призриши на молитву мою, Господи Боже Израилев,/ услышати моление и молитву,/ еюже раб Твой молится пред Тобою к Тебе днесь./ Да будут очи Твои отверсты на дом сей день и ночь,/ на место сие, о немже глагола еси:/ будет имя Мое тамо, еже услышати молитву,/ еюже молится раб Твой на месте сем, во дни и нощи;/ и послушати мольбу раба Твоего, и людей Твоих Израиля./ Елика аще помолятся к Тебе на месте сем,/ и Ты услышиши на месте жилища Твоего на Небеси,/ и сотвориши, и милостив будеши им.

#### **Притчей чтение (глава 3):**

Бог Премудростию основа землю, уготова же Небеса разумом./ В чувстве Его бездны развергошася, облацы же источиша росу./ Сыне, да не преминеши,/ соблюди же Мой совет и мысль, да живет душа твоя,/ и благодать будет на твоей выи:/ будет же исцеление плотем твоим и попечение костем твоим./ Да ходиши надеяся в мире во всех путех твоих,/ нога же твоя не поткнется./ Аще бо сядеши, безбоязнен будеши;/ аще же поспиши, сладостно поспиши./ И не убоишися боязни нашедшия, ниже стремлений нечестивых находящих./ Господь бо будет на всех путех твоих, и утвердит твою ногу, да не позыблешися./ Не отрецыся благотворити требующему, внемда аще имать рука твоя помогати./ Не рцы: отшед возвратися, и утро дам, сильну ти сущу благотворити;/ не веси бо, что породит находяй день./ Не делай на друга твоего зла, пришельствующа и уповающа на тя./ Не любовражствуй на человека всеу, да не что на тя соделает злое./ Не стяжи злых мужей поношения, ниже ревнуй путем их./ Нечист бо пред Господем всякий законопреступник,/ с праведными же не сочетается./ Клятва Господня в домех нечестивых,/ двory же праведных благословляются./ Господь гордым противится, смиренным же дает благодать.

#### **Притчей чтение (глава 9):**

Премудрость созда Себе дом и утверди столпов седмь./ Закла Своя жертвенная, и раствори в чаши Своей вино, и уготова Свою трапезу./ Посла Своя рабы, созывающи с высоким проповеданием на чашу, глаголющи:/ иже есть

безумен, да уклонится ко Мне;/ и требующим ума рече:/ приидите, ядите Мой хлеб, и пейте вино, еже растворих вам./ Оставьте безумие, и живи будете,/ и възшците разума, да поживете и исправите разум в ведении./ Наказуяй злыя, примет себе безчестие;/ обличаяй же нечестиваго, опорочит себе, обличение бо нечестивому раны ему./ Не обличай злых, да не возненавидят тя./ Обличай премудра, и возлюбит тя./ Дажь премудрому вину, и премудрший будет./ Сказуй праведному, и приложит приимати./ Начало премудрости страх Господень,/ и совет святых разум./ Разумети бо закон, помысла есть благаго./ Сим бо образом многое поживеши время,/ и приложатся тебе лета живота.

### **На стиховне стихиры предпраздства, глас 5.**

#### **Самоподобен:**

**Р**адуйся, живоносный Кресте,/ благочестия непобедимая победа,/ дверь райская,/ верных утверждение,/ Церкви ограждение,/ имже тля разорися и упразднися,/ и попрося смертная сила,/ и вознесохомся от земли к Небесным;/ оружие непобедимое,/ бесов сопротивоборче,/ слава мучеников,/ преподобных яко воистину удобрение,/ пристанище спасения,// даруяй миру велию милость.

**Стих:** Возносите Господа Бога нашего// и покланяйтесь подножию ногу Его, яко свято есть.

**Р**адуйся, Господень Кресте,/ имже разрешился от клятвы человечество,/ сущия радости знамение,/ прогоняяй враги во твоём воздвижении, всечестне,/ нам помощниче, царей державо,/ крепость праведных,/ священников благолепие,/ воображаемый, и лютых избавляяй,/ жезл силы, имже пасемся,/ оружие мира, егоже со страхом обстоят Ангели,/ Христа Божественная слава,// подающаго миру велию милость.

**Стих:** Бог же, Царь наш прежде века,// содела спасение посреде земли.

**Р**адуйся, слепых наставниче,/ немощных врачу,/ воскресение всех умерших,/ воздвигнувый ны, во тлю падшия,/ Кресте честный,/ имже разрушился клятва, и процвете нетление,/ и земнии обожихомся,/ и диавол всеконечно низвержеся./ Днесь воздвизаема тя видяще руками архиерейскими,/ возносим Вознесеннаго посреде тебе/ и тебе покланяемся,// почерпающе богато велию милость.

#### **Слава, обновления, глас 2. Анатолиево:**

**О**бновление совершающе всесвященнаго храма Твоего Воскресения,/ Тебе славим, Господи, освятившаго сего,/ и совершивша самосовременную Твоею благодатию,/ и красящагося в нем священствуемыми от верных/ таинственными и священными жертвами,/ и приемлюща от рук раб Твоих/ безкровныя и пречистыя жертвы,/ воздавающа же право приносящим// грехов очищение и велию милость.

#### **И ныне, предпраздства, глас тойже:**

**Б**ожественное сокровище, в земли крыемое,/ Жизнодавца Крест,/ на небесех показася царю благочестивому,/ и победы на враги подписание являет разумно;/ егоже радостно верою и любовию божественно востек к высоте зренья,/ тщанием же того от земных недр изнесе,// во избавление мира и спасение душ наших.

### **Тропарь обновления, глас 4:**

**Я**коже вышняя тверди благолепие,/ и нижнюю споказал еси красоту святого селения славы Твоея, Господи,/ утверди сие во век века/ и прими наша в нем непрестанно приносимая Тебе моления, Богородицею,// всех Животе и Воскресение.

### **Слава, мученика, глас тойже:**

**И** нравом причастник,/ и престолом наместник апостолом быв,/ деяние обрел еси, богодухновенне,/ в видения восход;/ сего ради слово истины исправляя,/ и веры ради пострадал еси даже до крове,/ священномучениче Корнилие,/ моли Христа Бога,// спастися душам нашим.

### **И ныне, предпразднства, глас тойже:**

**Ж**ивотворящий Крест Твоея благости,/ егоже даровал еси нам недостойным, Господи,/ Тебе приносим в молитву:/ спаси люди и град Твой молящийся, Богородицею,// Едине Человекелюбче.

## **НА УТРЕНИ**

### **По 1-м стихословии седален, глас 4.**

#### **Подобен: Скоро предвари:**

**В**ся просвети пришествием Христос,/ мир обнови Духом Божественным Своим,/ души обновляются, дом бо возложися ныне во славу Господню,/ идеже и обновляет верных сердца Христос, Бог наш,/ во спасение человеков.

**Слава, и ныне, тойже.**

### **По 2-м стихословии седален, глас 4.**

#### **Подобен: Скоро предвари:**

**П**разднственный днесь обновлений, вернии, день достиже нас,/ повелевающий избранию Христову всем обновитися/ и светлым лицом песни Владыце из глубины сердца воспети верно,/ яко Избавителю и нас обновляющему.

**Слава, и ныне, тойже.**

**Каноны три: обновления, со ирмосом на 6, предпраздства на 4, и святого на 4.**

#### **Канон обновления, творение Иоанна Монаха. Глас 4.**

##### **Песнь 1**

**Ирмос: Моря чермную пучину/ невлажными стопами/ древний пешествовав Израиль,/ крестообразными Моисеевыми руками// Амаликову силу в пустыни победил есть.**

**С**толпом путеводяй древле избраннаго Израиля,/ банею крещения, Христе, в Сионе насадил еси Церковь, зовущу:/ воспоем песнь Богу нашему.

**Д**несь неприступныя Твоя славы пришествие,/ иже на земли, водруженный Тебе храм Небо устрои,/ в немже согласно воспоем песнь Богу нашему.

**Н**е законом Церковь, Господи, украшается,/ ни рабских простертием рук,/ но, Креста благодатию хвалящися, поет Тебе:/ воспоем песнь Богу нашему.

**Богородичен: Безсеменно, Отчею волею, от Божественнаго Духа/ Божия зачала еси Сына и плотию породила еси,/ из Отца безматерня и нас ради из Тебе безотча.**

**Ин канон предпраздства по алфавиту без Богородичнов. Иосиф. Глас тойже.**

##### **Песнь 1**

**Ирмос:** Тростаты крепкия,/ Рождейся от Девы,/ безстрастия во глубине/  
души тричастное потопаи, молюся,/ да Тебе, яко в тимпане,/ во умерщвлении  
телесе// победное воспою пение.

Веселися, Небо, и земле, радуйся:/ пресвятыи бо Крест происходит,/ освящая  
ны благодатию, сего целующия,/ яко источника святыни и всех обожения вину.

Шествовати благочестно небесную стезю/ укрепи нас, пресвятыи Кресте,  
верно покланяющияся тебе,/ яко да противных уклоньшися пропастей,/ общницы  
Божественныя славы будем.

Знанны Творцу тобою бывше, всечестныи Кресте,/ сердцем и душою  
объемлем, всегда тя предлежаща зряще,/ и умом просвещаемся, всевиновное  
Слово славяще.

**Богородичен:** Град Бога Всецаря, благоприятное сокровище честное,  
Богородице Всенепорочная,/ сохрани Твой жребий, всегда благохвалящии Тя/ и  
почитающии верою Рождество Твое.

### **Ин канон святого, егоже краегранесие:**

#### **Чудес твоих славу пою, блаженне. Иосиф. Глас 5.**

##### **Песнь 1**

**Ирмос:** Коня и всадника в море Чермное,/ сокрушай брани мышцею  
высокою,/ Христос истрясе,/ Израиля же спасе,// победную песнь поюща.

Сие твое светоносное и божественное успение,/ и пресветлую память, и  
священное торжество торжествующия/ молитвами твоими просвети, иерарше  
богоблаженне.

Явился еси и прежде совершеннаго, мудре, таинств навычения/ милостынями  
и молитвами, Корнилие, упражняйся, всеблаженне,/ и всех Господа мысли ища  
правостию.

Законов спасительных яже научилея еси/ плоти Соединившагося крайния ради  
благости,/ апостолов верховному манием Владычним, блаженне, научившу тя.

**Богородичен:** Распаляеши верных сердца присно славити Тя несытною  
любовию,/ Богородительнице Владычице:/ слава бо еси человеков,/ рождающая  
славы Господа, Чистая.

**Катавасия:** Крест начертав Моисей, впрямю жезлом Чермное пресече, /  
Израилю пешеходящу, / тоже обратно фараоновым колесницам ударив  
совокупи, / вопреки написа непобедимое оружие. / Тем Христу поим Богу  
нашему, / яко прославися.

##### **Песнь 3**

**Ирмос:** Веселится о Тебе Церковь Твоя, Христе, зовущи:/ Ты моя  
крепость, Господи, // и прибежище, и утверждение.

**О**святил еси на земли Церковь Твою, Христе, Духом,/ помазав сию днесь/  
Твоего радования елеем.

**Я**вил еси, Блаже,/ рукотворенную скинию днесь паче ума,/ славы Твоя  
строительно бывшее жилище.

**О**снование Тя, Христе, Церковь нерушимо имущи,/ Твоим Крестом  
венчается,/ якоже царскою диадимою.

**Богородичен:** Ты едина на земли/ паче естества благих Ходатаица, Мати  
Божия, была еси:/ темже Тебе, еже радуйся, приносим.

**Ин**

**Ирмос:** Не мудростию и силою и богатством хвалимся,/ но Тобою, Отчею  
Ипостасною Мудростию, Христе:// несть бо свят паче Тебе, Человеколюбче.

**С**лаву Христову ты, бывающую верою, славим,/ прославляеми твоим, преславне  
Господень Кресте, честным объятием/ и просвещаеми.

**В** веселии пришедше, вернии,/ почерпем, яко от источника чиста, Креста,  
присноживущия воды/ и, спасаеми, Бога восхвалим.

**Ж**изнь сый Иисус, повешен, умертвися на Древе крестнем,/ егоже ныне верно  
объемлюще,/ страсти отгоняем, смерти ходатаи.

**Богородичен:** Явившися, души моя тьму отжени,/ греховныя узы, Чистая  
Дево, расторгни/ и спаси мя, рождшая Всещедраго.

**Ин**

**Ирмос:** Водрузивый на ничесомже землю повелением Твоим/ и  
повесивый неодолимо тяготеющую,/ на недвижимем, Христе, камени  
заповедей Твоих// Церковь Твою утверди, Едине Блаже и Человеколюбче.

**С**вятаго просвещение приял еси Духа/ и Божественную благодать от  
божественных уст, всю прием вседомовно/ божественнаго верховнаго апостола  
пришествием,/ возвещающаго спасительнаго учения.

**В**озвысився добродетельми, яко кедр высокорастный,/ и плоды благовонны  
нам израстив, учений подание,/ благодать чудес и исцелений действо,/ блаженне  
иерарше Корнилие.

**В**еличайшаго сподобився благославия, Корнилие,/ с верховным и иными  
многими,/ потекл еси, проповедуя всюду проповедание божественное,/ имже мы  
просвещаеми, тьмы неведения избавихомся.

**Богородичен:** Чистоты световидное была еси селение,/ Светодателя носивши  
воплощаема,/ Человека явившася по нам за человеколюбие и тлю разоривша,/  
Пречистая Дево Богоневесто, нетленное человекоевоззвание.

**Катавасия:** Жезл во образ тайны приемлетя, / прозябением бо  
предразсуждает священника, / неплодящей же прежде Церкви, / ныне  
процвете древо Креста, / в державу и утверждение.

**Кондак, глас 4.**

**Подобен: Явился еси:**

Небо многосветлое церковь показася,/ вся просвещающая верныя, в нейже стояще, зовем:// сей дом утверди, Господи.

**Таже седален, глас 8.**

**Подобен: Повеленное:**

Свидетельства скинию Христос показа,/ и божественный Моисей на земли водрузи,/ и храм обновляет Соломон в жертвах,/ мы же, к новому Иерусалиму верою прибегающе,/ давидски дадим божественное воспевание Распеншемуся нас ради,/ просяще прощения всех, имиже согрешихом.

**Слава, святого, глас 4.**

**Подобен: Явился еси:**

Начаток святыи Церковь от язык прият,/ просвещающаго сию добродетельными твоими деяньми,/ священнотаинниче богомудре Корнилие.

**И ныне, предпразднства, глас тойже.**

**Подобен: Удивися Иосиф:**

Простер Моисей руки к высоте небесней,/ прообразоваше Крест, Божественное оружие верных,/ на немже Христос грехи пригвозди./ Тем враг плакаше, стражда болезненно чувства, глаголаше:/ деревяное мя копие прободе посреде сердца моего./ Христос вся от адских уз решит.

**Песнь 4**

**Ирмос: Вознесена Тя видевши Церковь на Кресте,/ Солнце праведное,/ ста в чине своем,/ достойно взывающи:// слава силе Твоей, Господи.**

Не жертвами безсловесных Церковь,/ но Твоею честною из ребр живоносною Кровию окропляется,/ лепотно взывающи:/ слава силе Твоей, Господи.

Селения Господня возлюбленная/ желающим видети откровенно славу лица Его/ согласно зовут:/ слава силе Твоей, Господи.

Образующи помазание, Церковь избранных людей Твоих/ многоценным миром днесь помазуется,/ Божественную Духа благодать невидимо приемлющи.

**Богородичен: Неискусобратно родила еси, о Дево,/ и по рождестве явилася еси девствующи паки,/ темже немолчными гласы: еже радуйся,/ Тебе, Владычице, верою несумненною зовем.**

**Ин**

**Ирмос: Любве ради, Щедре, Твоего образа/ на Кресте Твоем стал еси,/ и растаяшася языцы:/ Ты бо еси, Человеколюбче,// крепость моя и хваление.**

Солнцезрачен видится/ покланяемый от верных человек Крест Господень,/ егоже целующе, душами просвещаемся.

Бог Господь, воплощаем явися/ и возвысився на Древе,/ тому покланяющийся просвещает,/ присно от лютых избавляяй.



Очищение нам и оставление согрешений,/ Слове Божий, подаждь,/ верно покланяющимся днесь/ предлежащему Кресту Твоему честному.

**Богородичен:** Не истощив Отческих недр,/ Слово в Твоих недрах, Отроковице,/ восклонися, яко Младенец,/ хотя обновити мя, тли подлежащаго.

### Ин

**Ирмос:** Божественное Твое разумев истощание/ прозорливо, Аввакум, Христе, со трепетом вопияше Тебе:/ во спасение людей Твоих,// спасти помазанныя Твоя пришел еси.

Духа благодать приим,/ якоже солнце светозарное, землю прошел еси, Корнилие,/ отгоняя тьму идолонеиствовства, прехвальне.

Яко велика река, исходя,/ все лице земли напаяеши божественными учении,/ и плевелы подавляя многобожия, Корнилие.

Мертв всему миру быв,/ Умерщвленнаго нас ради Божественное востание/ всем страстьми умершим возвестил еси,/ Корнилие всеблаженне.

**Богородичен:** Мудрости чистое обителище Отчия/ преестественно, Чистая Дево, была еси,/ Еюже мы злобы ныне хитреца избавихомся.

**Катавасия:** Услышах Господи, / смотрения Твоего таинство, / разумех дела Твоя, / и прославих Твое Божество.

### Песнь 5

**Ирмос:** Ты, Господи, мой Свет,/ в мир пришел еси,/ Свет святыи, обращаи из мрачна неведения// верою воспевающи Тя.

Ты древле на Синаи/ скинию нерукотворенную показал еси боговидцу Моисею,/ прописуя, Христе, Церковь Твою.

Ты, Господи, скинию на земли устроил еси,/ Ты чином Небесным человек ликостояния/ сочетаваеши силою Твоею.

Тя, Господи, источник жизни вемы,/ Ты, Святе, мир, пришел,/ благовестил еси, Христе, Церкви Твоей.

**Богородичен:** Тя оружие твердое на враги предлагаем,/ Тя державу и надежду нашего спасения, Богоневесто, стяжахом.

### Ин

**Ирмос:** Просвещение Твое, Господи, низпосли нам/ и от мглы прегрешений разреши ны, Блаже,// Твой мир даруяи.

На страсти укрепил нас тлетворныя,/ ты почитающих и целующих, честный Кресте,/ святых Страсти святейшее знамение.

Просвещение днесь, сердца и душами,/ добрыми видами приступим, вернии,/ и священному и божественному Древу Креста поклонимся.

Мерския ослаждая прежде воды Моисей,/ знаменуя дровом тебе, честный Кресте,/ имже сладость спасительную человеком искапал еси.

**Богородичен:** За ны помолися Христу,/ от Твоих чистых кровей, Пречистая Отроковице,/ Плотию вещественною одеяну и земныя обновльшу.

### **Ин**

**Ирмос:** Одейся светом, яко ризою,/ к Тебе утренюю и Тебе зову:/ душу мою просвети омраченную, Христе,// яко Един Благоутробен.

**В**есь возложився Вседержителю,/ глухим кумиром чести не принесл еси, священнотаинниче,/ от скверноубийственных человек понуждаемь.

**В**ысочайшаго невидимаго Бога, Корнилие,/ в молитвах призвал еси/ и храм низложил еси мерзких кумиров, вельми удивляемь.

**В**седержителя храня повеления,/ в темнице узы претерпел еси/ и уз отрешил еси зловерия безумныя, богомудре.

**Богородичен:** Одожди ми, Пречистая, грехов оставление,/ посети мя, немощствующа/ и влаема напастьми житейскими и страстьми телесными.

**Катавасия:** О Треблаженное древо, / на немже распяся Христос, Царь и Господь. / Имже паде древом прельстивый, / тобою прельстився, / Богу пригвоздившуся плотию, / подающему мир душам нашим.

### **Песнь 6**

**Ирмос:** Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих// истекшею Кровию.

**Д**оброты Царь Христос возжела/ ныне избранныя Церкви и языков матерь показа,/ от работы сынотворимых Духом.

**Т**репещут враждебных демонов полцы,/ Христове Церкви Креста образом знаменуемей/ и осеняемей свящательным Духа осиянием.

**Н**е песок, но Христа основание имущи,/ яже от язык Церковь венчается добротую неприступною/ и диадимую царскою украшается.

**Богородичен:** О, чудо, всех чудес новее!/ Яко Дева, во утробе вся Содержащаго неискусомужно заченши,/ не тесновмести.

### **Ин**

**Ирмос:** Приидох во глубины морския,/ и потопила мя есть буря многих грехов,// но, яко Бог, из глубины возведи живот мой, Многомилостиве.

**П**рободен на тебе в ребра, Зиждитель, Кресте, вольно повешен,/ Кровь и воду источает,/ имиже наздахомся, верно тя целующии.

**Д**рево Господне жизнодарное,/ источник безсмертия, избавление всего мира,/ спаси ны, целующия тя, яко хранителя нашего спасительнаго.

**О**ружие нам крепкое показался еси,/ имже побеждаем вся наветы противных, божественный Кресте,/ правостию душевною священо ты целующии.

**Богородичен:** Святыи храм во святых Почивающаго/ была еси, Богородительнице:/ темже ны, верно поющия Тя, освящаеши, Дево Мати.

### **Ин**

**Ирмос:** Неистовствующееся бурю душетленною, Владыко Христе,/ страстей море укроти/ и от тли возведи мя,// яко Благоутробен.

**Ч**исто творя молитвы твоя,/ Ангела Божия явственнo видел еси,/ научающа тя лучшая и спасенная имущим.

**П**росветився Духом, светодательная показался еси звезда,/ светозарными сиянии концы просвещая,/ священнотаинниче Корнилие.

**П**ознав Господа славы, иже лестию прежде помрачен,/ прозираеши, блаженне, молитвою твоею/ и вседомовно приемлещи Божественное очищение.

**Богородичен:** Славы Господь от кровей Твоих девственных воплотися,/ Един, яко весть, Всепетая,/ спасаея ны благостию.

**Катавасия:** Воднаго зверя во утробе, / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мир просвещашаго.

### **Кондак, глас 2.**

#### **Подобен: Твердыя:**

**О**бновления духа в сердцах/ и просвещение внутренним даруй/ верою совершающим священная обновления храма дому Твоего,/ емуже благоволил еси создатися в Твое Божественное имя,// Едине во святых Прославляемый.

#### **Икос:**

**П**амять совершая обновлений,/ мудрейший древле Соломон Богу/ животных бессловесных приношаше всесожжения и жертвы,/ егда же ныне Истина и Благодать прииде на землю,/ жертвы абие преложи, жертвовав Жертву на спасение наше в Себе, яко Человеколюбец./ Церковь освяти и непоколебиму сию покажи,/ Един во святых Прославляемый.

### **Песнь 7**

**Ирмос:** В печи авраамстии отроцы персидстей,/ любовью благочестия паче,/ нежели пламенем, опаляеми, взываху:// благословен еси в храме славы Твоя, Господи.

**Р**осодательный убо пещный пламень показася древле,/ ныне же от елеа помазание духовное освящает зовущия:/ благословен еси в храме славы Твоя, Господи.

**Я**ко в печи богоприятней, новей сей скинии,/ вси, иже от Израиля духовнаго, орошаеми, взываем:/ благословен еси в храме славы Твоя, Господи.

Уязвленнии сладчайшим божественным желанием, приидите,/ в чертозе сем царstem счѣтаемся Жениху Христу:/ благословен еси в храме, зовуще, славы Твоя, Господи.

**Богородичен:** Вышняго освященное Божественное селение, радуйся:/ Тобою бо дадеся радость, Богородице, зовущим:/ благословенна Ты в женах еси, Всенепорочная Владычице.

### **Ин**

**Ирмос:** Юноши три в Вавилоне,/ веление мучителево на буйство преложше,/ посреде пламене вопияху:/ благословен еси, Господи,// Боже отец наших.

Древле в благословениих детей Иаков тя проначерта, честный Кресте,/ но мы ты ныне покланяющесе чтим,/ просвещение почерпающе.

Глаголы прияша конец ныне/ божественных пророков, Кресте священнойше:/ всех бо Господь на тебе возвысися,/ вся от тли избавляя.

Усты ты и сердцем, всечестный Кресте, ныне объемлюще,/ освящение, здравие и спасение всегда почерпаем,/ души же и телесе.

**Богородичен:** Дево Благословенная, молися о нас, молящихся Тебе,/ на Тя бо надеемся вси и Тебе вопием:/ Владычице, не презри паствы Твоя.

### **Ин**

**Ирмос:** Превозносимый отец Господь/ пламень угаси, отроки ороси,/ согласно поюция:// Боже, благословен еси.

Ты языков начаток был еси, Корнилие,/ первый бо крещение приял еси святое и Духа благодать,/ яко прежде богоглаголивии.

Величайшая чудеса совершая Божественною благодатию,/ к вере уловил еси древле зломудрствующия,/ научая воспевати: Боже, благословен еси.

В земли kryem и купиною покровен,/ божественными сказаньми, мудре,/ явился еси чудес точа благодать и недуги отгоняя.

Цевнице, сладковоспевшая учения спасительная/ и всех, Корнилие, души улаждающая,/ показался еси, воспевая: Боже, благословен еси.

**Троицен:** Все Триипостасную Единицу да прославим:/ Отца Пребезначальнаго, Сына Единосущнаго и Духа Святаго,/ песнопюще: Боже, благословен еси.

**Богородичен:** Явилася еси человеческое смешение обоживши божественным Твоим Рождеством,/ Дево Всенепорочная./ Тем Тя по долгу, вернии, славословим.

**Катавасия:** Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетии отцев и нас Боже, благословен еси.

## Песнь 8

**Ирмос:** Руце распростер, Даниил/ львов зияния в рове затче,/ огненную же силу угасиша,/ добродетелию препоясавшися,/ благочестия рачители, отроцы, взывающе:// благословите, вся дела Господня, Господа.

Днесь ризою умною, свыше истканною от Божественныя благодати,/ Церковь Твоя, Господи, якоже невеста, украсися/ и своя созывает к веселию люди, во еже пети:/ благословите, вся дела Господня, Господа.

Днесь второй Адам, Христос, показа рай мысленный,/ новую сию скинию,/ приносящую вместо древа знания живоносное Креста оружие, поющим:/ благословите, вся дела Господня, Господа.

**Троицен:** Отца Безначальнаго Тя, Сына, и Духа Святаго,/ Едино Божество, совершенно, безначально,/ несекомо, единосущно, неслитно,/ во Ипостасех трех чтуще, поем:/ благословите, вся дела Господня, Господа.

**Богородичен:** Ты едина во всех родех, Дево Пречистая,/ Мати Божия показала еси./ Ты Божества была еси обиталище, Всенепорочная,/ не опалившия огнем неприступнаго Света./ Тем вси Тя благословим, Марие Богоневесто.

## Ин

**Ирмос:** Избавителю всех всеильне,/ посреде пламене благочествовавший,/ снизшед, оросил еси/ и научил еси пети:// вся дела, благословите, пойте Господа.

Спасительному оружию и нерастерзному,/ верных готовой помощи, крепкому защищению,/ Кресту Господню ныне поклонимся, пред всеми предлежащу.

Высоце на древе возвеси вопреки змия, яко писася, Моисей,/ прописуя тя, всечестное Древо,/ имже прелести мысленных змиев избавляемся.

Свещение душ наших еси, светодавче Кресте всечестне:/ тя бо объемлюще, начала тьмы же и власти отражаем/ Божественною твоею силою.

**Богородичен:** Чистую и Деву почтим,/ безначальное Слово и несозданное преестественно рождшую в наше спасение,/ песенно вопиюще: благословим, Дево, Рождество Твое.

## Ин

**Ирмос:** Тебе, Вседетелю,/ в пещи отроцы, всемирный лик сплетше, пояху:/ дела всякая, Господа пойте// и превозносите во вся веки.

Единаго от души на земли явльшагося Бога взыскал еси/ ума правостию:/ тем был еси начаток, богоносне, языков честный и Духа приятелище.

Углием твоих, блаженне, огненных словес вещество пожегл еси суетства:/ тем к Свету невечернему прешел еси,/ вся озаряя любовию, тя поюция.

Жребий, и часть, и помощь, и Избавитель,/ крепость же и хвала, и свет тебе бысть Слово,/ вся призывающее из не сущаго,/ и руководство, Корнилие богомудре.

**Троицен:** Святый Отче, Святый Слове, Всесвятый Душе несозданне,/ Троице нераздельная,/ спаси любовью поюция Твою державу,/ и царство, и величество.

**Богородичен:** Излей на ны Твоя милости обычно, Отроковице,/ и испроси нам, Чистая, прощение всех прегрешений,/ в ведении же и неведении и от невнимания нам прилучшихся.

**Катавасия:** Благословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

### Песнь 9

**Ирмос:** Камень нерукосечный/ от несекомыя горы, Тебе, Дево,/ краеугольный отсечеса,/ Христос, совокупивый разстоящаяся естества.// Тем веселящеса, Тя, Богородице, величаем.

Приидите, чистым сердцем и трезвенными умными очесы/ Царевы дщере, Церкве, красоту, паче злата светящуюся,/ зряще, величаем.

Радуйся и веселися, невесто Царя Великаго,/ зрящи светло твоего Жениха красоту,/ с людьми твоими зовущи:/ Тя, Жизнодавче, величаем.

Еже с высоты изящество, Спасе, Церкви Твоей подаждь:/ иного бо не весть, разве Тебе,/ за нюже Твою древле душу положшаго,/ в познании величающую.

**Богородичен:** Радуйся, обрадованная Невесто Царя Великаго,/ яко Тобою от клятвы Евины вси, Чистая, избавихомся/ и жизнь обретохом в Рождестве Твоем, Невестная.

### Ин

**Ирмос:** Рождество Твое нетленно явися:/ Бог из боку Твоею пройде,/ яко Плотносец явися на земли/ и с человеки поживе.// Тя, Богородице, тем вси величаем.

Христос, на тебе повешен, мир возвыси, падший погибели во глубину,/ истинно Кресте Господень/ темже тебе любовью ныне покланяемся, и чтим, и славим.

Души да очистим и сердца/ добрыми единеми деянии/ и, предлежащее посреде спасительное зряще Древо Креста,/ верою и любовью богомудренно поклонимся.

Яко солнце великое, блистаньми твоими озаряеши сущия во тьме/ и демоны поपालяеши, краснейший Кресте./ Темже вопием:/ просвети вся верою покланяющияся тебе.

**Богородичен:** Светом мя озари Божественным, Света приятелище, Дево,/ страстей моих тьму и сластей глубочайшую истинно ночь,/ Богородительнице Всесвятая, отгонящи.

### Ин

**Ирмос:** Исаие, ликуй,/ Дева име во чреве и роди Сына Еммануила,/ Бога же и Человека,/ Восток имя Ему,// Егоже величающе, Деву ублажаем.

**К**о священному торжеству Церковь вся собирает в память твою честную,/ проповедниче Христов:/ ты бо равностоятель святых явился еси учеников,/ Духа Святаго, яко они, наследовав.

**У**красился еси догматы благочестия, яко священноделатель,/ уподобился еси Божиим божественным служителем:/ точиши же врачевств всегда, блаженне, реки,/ отгоняя недуги человеков, Корнилие священнейший.

**У**красився ризою спасительною,/ юже Христос истка, воплотився,/ ныне прерадостно вышня царства обходиши,/ зря чисто доброту недомысленную Женихову, достославне.

**Ч**естная рака твоя,/ яко источник, точит верным врачевства обильно,/ и отгоняет, Корнилие, духи лукавыя,/ и просвещает всех очеса, верою благохвальных тя.

**Богородичен:** Просвещение ми испроси,/ рождая Свет, от Света возсиявший,/ омрачение далече от мене отгонящи и сластей, и искушений,/ Пречистая Владычице, Предстательнице непостыдная.

**Катавасия:** Таин еси, Богородице, рай, / невозделанно возрадивший Христа, / имже Крестное живоносное на земли насадися древо. / Тем ныне возносиму, поклоняющеся ему, / Тя величаем.

#### **Светилен обновления.**

#### **Подобен: Духом во святилищи:**

**Ю**же пречистою Кровию искупил еси, Слове,/ всечудную и всечестную и Святую Церковь обнови Духом, Блаже,/ и удобри зарями божественнейшими, славою прославляя/ достойно Твоего храма обновление совершающих.

#### **Слава, и ныне, предпразднства.**

#### **Подобен тойже:**

**С**ветодательными сияньми Крест Господень, в того вознесение,/ вся любовию божественною, предлежа, призывает:/ приидите, сего вси радостию, и любовию, и страхом целуем верно/ и прославим Единого Творца и Владыку.

#### **На хвалитех стихиры обновления на 6, глас 4.**

#### **Подобен: Дал еси знамение:**

**Д**несь божественный,/ и священный, и честный Христова Воскресения/ светло обновляется светоносный дом,/ и дает миру Гроб/ Божественный Живот,/ и вручает источник безсмертный,/ точит струи благодати чудес,/ обилует воды, и дарует исцеления// того верою поющим.

**В**озсия свыше световидная заря, сияющи/ и вся просвещающи;/ верно убо почтим Христа Содетеля Воскресение вси/ и обновлений священных живоносное/ божественное торжество,/ в песнях воспразднуем/ и во псалмех воскликнем,/ яко да милостива обрящем// Спаса и Господа.

**П**осреде земли возносима/ предувидети желающе/ Креста скиптр святой,/ души предпочистим и озарим разумы,/ светом просвещающеся;/ и, силою

Божественною облистаети, Христа воспоем,/ Древом честным Его священие  
подающего/ верую взывающим// и тепле Того поющим.

### **Ины стихиры, глас 1, самогласны.**

**Иоанна Монаха:** Обновляйся, обновляйся, новый Иерусалиме,/ прииде бо  
твой свет, и слава Господня на тебе возсия:/ сей дом Отец созда,/ сей дом Сын  
утверди,/ сей дом Дух Святыи обнови,// просвещай и утверждай и освящай  
души наша.

**Анатолія:** Древле убо обновля храм, Соломон/ безсловесных животных  
жертвы/ и всесожжения принесе, Господи./ Егда же благоволил еси, Спасе,/  
образом убо упразднитися, познатися же истине,/ безкровныя жертвы роди  
человечестии приносят славе Твоей,/ всеми бо владычествуай,// всяческая  
освящаеши Святым Духом.

### **Глас 4. Иоанна Монаха:**

Обновляется днесь яже от язык Церковь/ честною и животоchnою Кровию от  
пречистых и нетленных ребр/ воплощагося от Святыя Девы/ Христа, Бога  
нашего./ Темже, собравшеся верных лица,/ прославим Отца и Сына и Святаго  
Духа,// Едино Божество, содержащее всяческая.

### **Слава, глас 3. Самогласен:**

**К** себе восходи, человеце,/ буди нов вместо ветхаго/ и души праздной  
обновления,/ дондеже время жития;/ да обновляется тебе всякаго жития путь,/  
древняя бо преидоша, се быша вся нова./ Сие празднику плодопринеси,/ добрым  
изменением изменяем:/ сие обновляется человек,// тако чтится обновлений день.

### **И ныне, предпраздства, глас тойже, Иоанна Монаха:**

**Христе,** Боже наш, вольное Твое распятие/ во общее воскресение рода  
человеческаго восприимый/ и тростию Креста обагрением червленим Твоя  
персты окровавивый,/ оставительная нам царски подписати человеколюбновав,/  
не презри нас, бедствующих,/ и паки еже от Тебе разстояния./ Но ущедрн, Едине  
Долготерпеливе, сущия во обстоянии люди Твоя/ и востани, побори борющия  
ны,// яко Всесилен.

### **Славословие великое и отпуст.**





**Стих:** Преславная глаголашася о тебе, граде Божий.

**Евангелие от Матфея, зачало 67. [Мф. 16, 13—18.]**

**Во** время оно: **П**ришедъ же иисъ во странѣ кесаріи фѣліпповы, вопрошаше оучѣники своѣ, глас: когѣ мѣ глаголютъ человеѣцы быти, сѣа члвчческаго; **О**ни же рѣша: **О**ви оубо іоанна крѣтителѣа, инии же илїю, дрѣзїи же іеремїю илї единаго ѿ пррѣокъ. **Г**ла ииъ (иисъ): вы же когѣ мѣ глаголете быти; **Ѡ**вѣщавъ же сімонъ пѣтръ рече: ты єси хрѣтѣосъ, сѣтъ бѣа живагѣо. **И** ѿвѣщавъ иисъ рече ємѣ: бѣженъ єси, сімоне, вартъ іуона, ѣкѣ плѣтъ и кровъ не ѣви тебѣ, но оцъ мой, иже на нѣсѣхъ: и азъ же тебѣ глѣю, ѣкѣ ты єси пѣтръ, и на сѣмъ камени созиждѣ црѣковь мою, и вратѣ ѣдѣва не ѡдолѣютъ єй:

**Причастен:** Господи, возлюбих благолепие дому Твоего и место селения славы Твоея. Аллилуиа, **трижды.**

Ведомо же буди и сие:

Аще прилучится Воздвижение честнаго Креста в Неделю.

В субботу же пред Воздвижением на Литургии: прокимен и аллилуиа обновления един, а прокимен субботы пред Воздвижением оставляется. Апостол же и Евангелие читается прежде обновления и потом субботы пред Воздвижением. Причастен обновления. Рядовой же апостол и Евангелие вычитаем наперед, а Недели пред Воздвижением читается апостол и Евангелие в мимошедшую Неделю.

Подобает ведати: яко аще случится обновления, 13-й день, в Неделю:

Оставляется служба святаго Корнилия, и поется, егда разсудит епископ. Поется же воскресная служба со обновлением и с предпразднством честнаго Креста.

На Малей вечерни: Стихиры воскресны, и Богородицы, по обычаю. Тропарь воскресен. Слава, и ныне, Богородичен.

На Велицей вечерни: Блажен муж, кафизма вся. На Господи, возвах: стихиры воскресны 3, и Анатолиева едина, и обновления 3, и Креста 3, глас 5. Подобен: Радуйся: писаны на стиховне. Слава, обновления. И ныне, Богородичен 1-й гласа. Вход. И чтения 3, обновления. На литии стихира храма, и обновления хвалитныя, глас 1: Обновляйся, обновляйся: и глас 4: Обновляется днесь: глас тойже: Посреде земли возносима:

Слава, глас 5:

Иже в недрах Отеческих/ предпочивай, Слове,/ Духом Твоим Святым обнови храм, // иже во имя Твое воздвиженный.

И ныне, глас 6: Днесь Древо явися: На стиховне стихиры воскресны гласа. Слава, глас 2: Обновление совершающе: И ныне Креста, глас тойже:

Божественное сокровище: На благословении хлебов, тропарь Богородице, Дево: дважды. И обновления, единожды. И чтение в Посланиях апостольских.

На Утрени: На Бог Господь, тропарь воскресен, дважды: Слава, обновления: И ныне, Креста. По кафизме, седальны воскресны. Слава, и ныне, обновления; Богородичны же оставляются. И чтение во Евангелии, Неделя пред Воздвижением. По непорочнах ипакои. И чем во Евангелии Неделю рядовую. Степенна, и прокимен гласа. Всякое дыхание: Евангелие воскресное. Воскресение Христово: и псалом 50-й. Стихира воскресна. Канон воскресен со ирмосом на 4, и Богородицы на 2, и обновления на 4, и Креста на 4. Катавасия: Крест начертав: По 3-й песни кондак и икос обновления и седален. Слава, и ныне, Креста. И чтение. По 6-й песни кондак воскресен и икос. И пролог. На 9-й песни поем Честнейшую: Светилен воскресен. Слава, обновления. И ныне, Креста. На хвалитех стихиры воскресны 4, и обновления, глас 4. Подобен: Дал еси знамение: две, и самогласны две, глас 3: К себе восходи, человеце: Другий: Христе Боже наш: Первый припев: Дому Твоему подобает святыня, Господи, // в долготу дней. Другий: Господь воцарися, // в лепоту облечеса. Слава, стихиры евангельская. И ныне: Преблагословенна еси, Богородице Дево: Славословие великое. Тропарь воскресен, и ектении, и отпуст, и оглашение; и обычное исхождение в притвор, и час 1-й.

На часех тропарь воскресен. Слава, обновления. И ныне, Богородичен часов. По Отче наш: кондак воскресен, и обновления, глаголем прменяюще.

На Литургии: Блаженна воскресна гласа на 6, и обновления песнь 3-я, на 4. По входе тропарь воскресен, и обновления, и Креста. Кондак воскресен. Слава, и ныне, обновления. Прокимен, апостол, аллилуиа и Евангелие прежде Недели пред Воздвижением, и ряд под зачало, таже обновления. Причастен: Хвалите Господа с Небес: и обновления.

**Обновление** храма Воскресения Христова, построенного Константином Великим в Иерусалиме (335). В этот день воспоминается торжество по случаю обновления и освящения храма Воскресения Христова, сооруженного святым Константином Великим и матерью его равноапостольной Еленой. Праздник этот еще называется в народе «Воскресением словущим», то есть он «словет» или «слывет» Воскресением в отличие от самого праздника Светлого Христова Воскресения.

**История** сооружения этого храма такова: после вольных страданий и крестной смерти Спасителя, Господа нашего Иисуса Христа, места, освященные Его земной жизнью, нарочито попирались язычниками. Когда римский император Тит в 70 году завоевал Иерусалим, он, как известно, разорил город и разрушил храм Соломона на горе Мориа, не оставив там камня на камне, как это предрек еще Спаситель в беседе с учениками.

**Позднее** римский император Адриан (117—138), ярый язычник, построил на месте разоренного Титом Иерусалима новый город, назвав его в свою честь Елий-Адриан, и запретил называть город прежним именем. Гроб Господень он велел

засыпать землей и камнями и поставил на нем идол Юпитера, а на Голгофе, где был распят Спаситель, построил в 119 году языческий храм, посвященный богине распутства Венере. Перед идолом ее приносились жертвы демонам и совершались всякие развратные действия и обряды. Так было поругано и осквернено святейшее место, где Господь наш, как Агнец Божий, принес себя в жертву за грехи всего мира! В Вифлееме, на месте, где родился Спаситель от Пречистой Девы, нечестивый царь поставил идол Адониса. Все это он делал для того, чтобы люди совершенно забыли о Христе Спасителе и никогда более не вспоминали о тех местах, где Он жил, учил, пострадал и со славою воскрес.

**П**рошло около 200 лет после этих событий, и на царство вступил Константин Великий (306—337), первый из римских императоров, признавший христианство. Он вместе со своей благочестивой матерью царицей Еленой решил обновить город Иерусалим и на месте страдания и воскресения Господа Иисуса Христа воздвигнуть новый прекрасный храм. Он решил также очистить все связанные с памятью Спасителя места от скверных языческих культов и все их освятить.

**Ц**арица Елена отправилась в Иерусалим с большим количеством золота, а Константин Великий написал письмо Патриарху Макарию I (313—323), в котором просил его всячески содействовать святому делу обновления христианских святынь. Прибыв в Иерусалим, святая Елена уничтожила все идольские капища, очистила весь город от языческих истуканов и осватила его. Она горела желанием отыскать Крест Господа нашего Иисуса Христа. Для этого она приказала раскопать место, где раньше стоял разрушенный по ее приказанию храм Венеры. Там обнаружили засыпанный Гроб Господень и лобное место на Голгофе. Вблизи было найдено три креста и гвозди. Чтобы определить, какой именно из трех крестов принадлежал Спасителю, Патриарх Макарий повелел по очереди возлагать найденные кресты на мертвеца, которого проносили мимо на место погребения. Как только Крест Христов коснулся мертвеца, он тотчас ожил. Охваченные величайшей радостью царица Елена и Патриарх Макарий высоко подняли животворящий Крест и осенили им весь стоявший вокруг народ.

**Ц**арица немедленно приступила к построению великого и обширного храма, который включил в свои стены место распятия Спасителя — Голгофу и Гроб Господень, так как они находились на небольшом расстоянии друг от друга, как об этом свидетельствует святой апостол и евангелист Иоанн Богослов: «На том месте, где Он был распят, был сад и в саду гроб новый, в котором еще никто не был положен; там положили Иисуса ради пятницы иудейской, потому что гроб был близко» (Ин. 19, 41—42).

**З**дание храма Воскресения строилось 10 лет, и святая царица Елена так и не увидела его оконченным. Возвратившись к сыну, она скончалась в 327 году. За время своего пребывания в Иерусалиме святая царица построила церкви в Вифлееме, на горе Елеонской, в Гефсимании и во многих других местах, связанных с жизнью Спасителя и некоторыми событиями Ветхого Завета. Когда храм Воскресения Христова был вполне закончен, царь Константин Великий повелел собраться епископам всех стран в Иерусалим. Святители прибыли из Вифинии, Фракии, Киликии, Каппадокии, Сирии, Месопотамии, Финикии,

Аравии, Палестины, Египта, из стран Африки и Персии. При большом стечении народа храм был с великим торжеством освящен 13 сентября 335 года, и весь город Иерусалим обновлен и освящен. Собравшиеся святые отцы постановили на все последующие времена праздновать день обновления и освящения Великой Иерусалимской церкви, воздвигнутой на священных местах страдания, крестной смерти и славного Воскресения Спасителя, Господа нашего Иисуса Христа.

**С**вященномученик Корнилий сотник. Вскоре после Крестных страданий Господа Иисуса Христа и по Вознесении Его на Небо в Кесарии Палестинской поселился сотник по имени Корнилий, ранее живший в Италии Фракийской. Он хотя и был язычником, но отличался глубоким благочестием и добрыми делами, о чем свидетельствует святой евангелист Лука (Деян. 10, 1). Господь не презрел его добродетельной жизни и привел к познанию истины через просвещение светом веры Христовой.

**О**днажды Корнилий молился в своем доме. Ему предстал Ангел Божий и сообщил, что его молитвы услышаны и приняты Богом, и повелел послать людей в Иоппию за Симоном, называемым Петром. Корнилий тотчас исполнил повеление. Когда посланные шли в Иоппию, апостол Петр стал на молитву, во время которой ему было видение: трижды опускавшийся сосуд в виде большого полотна, наполненного животными и птицами. С Неба он услышал голос, повелевавший съесть все виденное. На отказ апостола последовал ответ: «Что Бог очистил, того ты не почитай нечистым» (Деян. 10, 15). Этим видением Господь повелевал апостолу Петру идти на проповедь Слова Божия к язычникам.

**К**огда апостол Петр в сопровождении посланных пришел в дом Корнилия, то был с большой радостью и почетом принят хозяином, его родственниками и близкими. Корнилий в ноги поклонился апостолу Петру и просил его научить пути спасения. Апостол начал проповедь о земной жизни Иисуса Христа, о чудесах и знамениях, свершенных Спасителем, о Его страданиях, учении о Царствии Небесном, Крестной смерти, Воскресении и Вознесении на Небо.

**П**од благодатным воздействием Святого Духа Корнилий уверовал во Христа и крестился вместе со своими родственниками. Он был первым из язычников, принявшим Крещение.

**О**н оставил мир и пошел на проповедь Евангелия вместе с апостолом Петром, который поставил его епископом. Когда апостол Петр со своими помощниками, святыми Тимофеем и Корнилием, находился в городе Ефесе, ему стало известно об особенно сильном идолопоклонстве в городе Скепсии. Был брошен жребий, кому туда идти, выпавший на святого Корнилия. В городе жил князь, по имени Димитрий, изучивший древнегреческую философию, ненавидевший христианство и почитавший языческих богов, в особенности Аполлона и Дия (Зевса).

**У**знав о прибытии святого Корнилия в город, он тотчас призвал его к себе и спросил о причине прихода. Святой Корнилий ответил, что пришел освободить его из мрака неведения и привести к познанию Света Истины. Князь, не поняв

смысла произнесенных слов, разгневался и приказал отвечать на каждый его вопрос. Когда святой Корнилий объяснил, что служит Господу и что причина его прихода и состоит в благовествовании Истины, князь пришел в ярость и потребовал от Корнилия принесения жертвы идолам. Святой просил показать богов.

**К**огда его ввели в языческий храм, Корнилий обратился к востоку и, преклонив колена, произнес молитву к Господу. Началось землетрясение, и храм Зевса и находившиеся в нем идола разрушились. Весь народ, видевший происшедшее, был в ужасе. Князь еще более озлобился и стал советоваться с приближенными о том, как погубить Корнилия. Святого связали и подвесили в темнице на ночь. В то время князю сообщили печальную весть о том, что его жена и ребенок погибли под обломками разрушившегося храма. Но несколько позже один из жрецов, по имени Варват, рассказал, что слышал голоса его жены и сына из-под развалин и что они восхваляли Бога христианского. Жрец просил освободить заключенного, так как благодаря чуду, совершенному святым Корнилием, супруга и сын князя остались живы. Радостный князь в сопровождении приближенных поспешил в темницу, признался святому Корнилию в том, что уверовал во Христа и просил его выволить из-под развалин храма жену и сына. Святой Корнилий отправился к разрушенному идольскому храму, и по молитве пострадавшие были освобождены. После этого князь Димитрий, все его родственники и приближенные приняли святое Крещение. Святой Корнилий прожил долгое время в этом городе, обратил ко Христу всех жителей-язычников и поставил пресвитера Евномия для служения Господу. Святой Корнилий скончался в глубокой старости и был погребен неподалеку от разрушенного им языческого храма.